

古詩類苑

二

上海世紀出版股份有限公司
上海古籍出版社

[明]張之象 編
[日]中島敏夫 整理

古詩類苑

二

上海世紀出版股份有限公司
上海古籍出版社

卷六五	人部	……	三	卷八四	人部	……	一四八
卷六六	人部	……	一二	卷八五	人部	……	一五九
卷六七	人部	……	一八	卷八六	人部	……	一六六
卷六八	人部	……	二五	卷八七	人部	……	一七四
卷六九	人部	……	三三	卷八八	人部	……	一七九
卷七〇	人部	……	四二	卷八九	人部	……	一八七
卷七一	人部	……	五一	卷九〇	人部	……	一九五
卷七二	人部	……	五九	卷九一	人部	……	二〇一
卷七三	人部	……	六四	卷九二	人部	……	二一〇
卷七四	人部	……	七〇	卷九三	人部	……	二一六
卷七五	人部	……	七八	卷九四	人部	……	二二〇
卷七六	人部	……	八五	卷九五	人部	……	二四一
卷七七	人部	……	九二	卷九六	人部	……	二五三
卷七八	人部	……	九七	卷九七	人部	……	二六七
卷七九	人部	……	一〇三	卷九八	人部	……	二七六
卷八〇	人部	……	一一一	卷九九	儒部	……	二八八
卷八一	人部	……	一一八	產業部	……	……	二九〇
卷八二	人部	……	一二七	卷一〇〇	釋部	……	二九八
卷八三	人部	……	一三八	卷一〇一	釋部	……	三〇八

卷一〇二	釋部	三六	巧藝部	四五三
卷一〇三	釋部	三二二	方術部	四五六
卷一〇四	道部	三三三	識數部	四五九
卷一〇五	道部	三四二	祥瑞部	四七五
卷一〇六	道部	三五四	災異部	四七九
卷一〇七	道部	三六一	花部	四八一
卷一〇八	道部	三七〇	草部	四九〇
卷一〇九	宮室部	三七六	果部	四九六
卷一一〇	宮室部	三八二	木部	五〇二
卷一一一	宮室部	三九〇	鳥部	五一四
卷一二二	宮室部	三九八	獸部	五三〇
卷一三三	寺觀部	四〇四	鱗介部	五三九
卷一四四	寺觀部	四一一	蟲豸部	五四一
卷一五五	器用部	四二〇	古諺部	五四五
卷一六六	器用部	四二九	補亡部	五五四
卷一七七	器用部	四三四	存逸部	五五五
卷一七八	服食部	四四〇	後記	五六五
卷一一九	玉帛部	四五二	索引	一

古詩類苑
(二)

古詩類苑卷之六十五

雲間張之象玄超纂輯

俞顯卿子如補訂

王 徹叔朗

王國材伯達校正

俞顯謨子如

王 頌玄弢參閱

陳 甲伯子

人部

答

古詩類苑卷之六十五 人部

答對元式詩

蔡 邕

伊余有行爰戾茲邦先進博學同類率從濟濟羣彥如

雲如龍君子博文貽我德音辭之集矣穆如清風

答卜元嗣詩

前人

斌斌碩人貽我以文辱此休辭非余所希敢不酬答賦

請以歸

答贈詩

邯鄲淳

我受上命來隨歸舊與君子處曾未盈期見召本朝駕

言趨期羣子重離首命於時餞我路隅贈我嘉辭既受

德音敢不答之余惟薄德既局且鄙見養賢侯於今四

祀既庇西伯永晉沒齒今也祓命義在不俟瞻戀我侯

又慕君子行道遲遲體逝情止豈無好辭懼不我與聖

主受命千載一遇攀龍附鳳必在初舉行矣去矣別易

會難自強不息人誰獲安願子大夫勉簪成山天休方

至萬福爾臻

報趙淑麗一作報趙叔嚴

應 瑒

朝雲不歸夕結成陰離羣猶一作宿永思長吟有鳥孤

栖哀鳴北林嗟我懷矣感物傷心

答孫楚詩

董 京

古詩類苑卷之六十五 人部

晉書隱逸傳曰京在洛陽孫楚時為著作郎數就社中與京語遂載與俱歸京不肯坐楚為懷道沈邪京答之以詩

周道歎今頌聲沒夏政衰今五常汨便便君子願望而

逝洋洋乎滿目作者七豈不樂天地之化也哀哉乎時

之不可與對之以獨處無娛我以為歡清流可飲至道

可食何為栖栖自使疲羣魚懸獸檻鄙夫知之古之至

人藏器如霧縕袍不能令吸今當作發軒冕不能令榮動如

川之流靜如川之亭鶚鵲能言泗濱浮磬重人所翫豈

合物情玄鳥紆幕而不被害鳴隼遠集咸以欲死盼彼

梁魚遡巡倒尾沉吟不決忽焉失水嗟乎魚鳥相與萬

世而不悟以我觀之乃明其故焉知不有達人深穆其

度亦將關我壘願而去萬物皆賤惟人爲貴動以九州
爲狹靜以圓堵爲大

答樂弘詩 并序

傅咸

安樂令樂弘太傅鉅平侯羊公辟未就而公薨後應
司州之命舉秀才博文通濟之士余失和於府當換
爲護軍司馬賦詩見贈答之云爾

鉅平作宰是貴是欽弓旌仍招嘉命胥尋鸞鳳養儀戢
翼幽林未附雅調以和韶音鉅平遐逝厲志彌深肅肅
京司清風裁邁乃延羣彥龍集鳳會亦既斯降萬里有
賴聲發響應好結傾蓋

古詩類卷五

人部

三

三

答傅咸

郭泰機

皦皦白素絲織爲寒女衣寒女雖妙巧不得秉杼機天
寒知運速况復鴈南飛衣工秉刀尺棄我忽若遺人不
取諸身世事焉所希况復已朝餐曷由知我飢

答楊士安詩

潘尼

近將辭儲宮栖遲集南畿不悞百里賤徒惜年志衰躊
躇顧城闕怨戀慕端閣俊德貽妙詩敷藻發清微魏彼
衰崇過感此岐路悲

答張士然

陸機

潔身躋秘閣秘閣岐且玄終朝理文案薄暮不遑眠

善作

願駕言巡明祀致敬在祈年追通春玉園五臣作園躋躋于
畝田廻渠繞曲陌通波扶直阡嘉穀垂重穎芳樹發華
顛余圓水鄉士總轡臨清淵戚戚多遠念行行遂成篇

同前

陸雲

行邁越長川飄飄冒風塵通波激狂渚悲風薄丘榛修
路無窮迹井邑自相循百城各異俗千室非良隣歡舊
難假合風土豈虛親感念桑梓域髣髴眼中人靡靡日
夜遠眷眷懷苦辛

答顧秀才五章

前人

芒芒上玄有物有則厥初造命立我藝則爰茲族類有
古詩類卷五 人部

四

三

覺先識斯文未喪誕育明德

允矣顧生載靈之和沉根芳沼濯秀蘭波淵翹戢穎景
茂凌華惟是德心是用閑和

德心伊何行歸於周希高仰峻企遠懷悠匪願在明靡
倦斯幽凡有同朋瞻言清休

慎終於遠俾民歸厚言若有行及予攜手何以恤我其
仁孔有心之云愛隆敬其久

既邁斯仁亦迪茲文藻不雕樸華不變淳有匪君子如
珪如璠仰欽德類依懷惠詮式揚好問邦家于宣

答大將軍祭酒顧令文五章 前人

惟林有鸞惟淵有鰈顯允明德實邦之基先後陟恪子
配於茲遵彼玉堂受言遵之

中原有執世鮮克蹈先民有懷子探其妙心猶水鑒
景內照名若振炎德光外耀

相彼水鑒民胥攸臨矧曰明德人誰弗欽寫我朶頤卽
爾澄心義隆自古好邇在今

大人有作與雲自天之子子升亦躍于淵景曳清霄響
發鳴弦義問弘集淑風載鮮

企予朔都非子執念豈無弱翰才不克瞻惠音聿來瓊
華玉豔無德不報念辭惟忝

古詩類卷六

人部

五

三五

答吳王上將顧處微九章

前人

邈矣大昧造化明明物以曲全人以直生類聚百族羣
分萬形員淵挺隋方川吐瓊

鵲謁洪族天祿攸蕃神綬厥本道裕其源條有豐葉波
無輟瀾烈風時播芳響世繁

日繁曰頤載德于茲克文克敏乃惠乃慈遵彼洪流薄
言詠之好是神契聊與之期

仁勇同宅文武相紛王謂御事誰撫上軍於時飏飛虎
嘯江濱式遏不虞俾也無塵

三代既遠直道垂音非齒焉尚非德孰欽鑽仰自古鮮

曰在今匪唯形交殷薦其心

心以殷薦分以道成祗報惠顧瞻此深情亦有芳訊薄
載其誠豈無春暉茲焉可榮

大道易聞崇執難襲孰云匪衍咎吝尤集敢謝不佞相
山自戢臨篇焉愧德輶辭輯

翩彼日月逝猶駭電朝華未厭夕風已扇詩亦有悲無
幾相見懷德歎心于焉東眷

平津晚貢貢公後徵陟彼玉階黃髮來升靈卉二秀芳
草秋興唯頤清神福祿是膺

答魏子悌

盧 謨

古詩類卷六

人部

六

三五

崇臺非一輪珍裘非一腋多士成大業羣賢濟弘績遇
蒙時來會聊齊朝彥跡顧此復背羽愧彼排虛翮寄身

隆四岳託好憑三益傾蓋雖終朝大分邁疇昔在危每
同險處安不異易俱涉晉昌艱共更飛狐厄恩由契濶

生義隨周旋積豈謂鄉曲譽謬克本州役乖離令我感
悲欣使情暢理以精神通匪曰形骸隔妙詩申篤好清

義貫幽蹟恨無隋侯珠以酬荆文璧

酬丁柴桑二章

陶淵明

有客有客爰來爰止秉直司聰于惠百里食勝如歸聆

香若始

匪惟諧也屢有良由載言載眺以寫我憂放歌一過既醉還休寔欣心期方從一作我遊

酬劉柴桑

前人

窮居寡人用時忘四運周櫛庭多落葉慨然知已秋新葵鬱北牖嘉穠養南疇今我不爲樂知有來歲不命室攜童弱良日登遠遊

答龐參軍六章

序序

前人

龐爲衛軍參軍從江陵使上都過尋陽見贈衡門之下有琴有書載彈載詠爰得我娛豈無他好樂是幽居朝爲灌園夕偃蓬廬

古詩類卷六五

人部

七

三百四

人之所寶尚或未珍不有同愛云胡以親我求良友實親懷人惟心孔冷棟宇惟鄰

伊余懷人欣德孜孜我有旨酒與汝樂之乃陳好言乃著新詩一日不見如何不思

嘉遊未歎誓將離分送爾于路街觴無欣依依舊楚邈邈西雲之子之遠良話易聞

昔我云別倉庚載鳴今也遇之雪霰飄零大藩有命作使上京豈忘宴安王事靡寧

慘慘寒日肅肅其風翩彼方舟容裔江中一作容最哉與中征人在始思終敬茲良辰以保爾躬

答龐參軍

并序

前人

三復來貺欲罷不能自爾隣曲冬春再交欵然良對忽成舊游俗諺云數面成親舊况情過此者乎人事好乖便當語離楊公所歎豈惟常悲吾抱疾多年不復爲文本既不豐復老病繼之輒依周孔往復之義且爲別後相思之資

相知何必舊傾蓋定前言有客賞我趣每每顧休園談諧無俗調所說聖人篇或有數斗酒閑飲自懽然我實幽居士無復東西緣物新人惟舊弱毫多所宣情通萬里外形迹滯江山君其愛體素來會在何年

古詩類卷六五

人部

八

三百五

答客

鮑照

幽居屬有念舍意未連詞會客從外來問君何所思澄神自惆悵嘿慮久起疑謂賓少安席方爲子陳之我以軍門士負學謝前基愛賞好偏越放縱少矜持專求遂性樂不計緝名期歎至獨對酒憂來輒賦詩聲交稍希歇此意更堅滋浮生急馳電物道險絃絲深憂寡情謬進伏兩睨時願賜卜身要得免後賢嗤

直東宮答鄭尚書

顏延之

皇居體環極設險祗天工兩閣阻通軌對禁限清風跋予旅東館徒歌屬南壩寢興鬱無已起觀龐漢中流雲

藹青闕皓月鑒丹宮
踟躕清防密徙倚恒漏窮
君子吐芳訊感物惻余衷
惜無丘園秀景行彼高松
知言有誠實美價難克克
何以銘嘉貺言樹絲與桐

答張齊興

謝朓

荆山從百里漢廣流無極
北馳星斗正南望朝雲色
川隰同幽快冠冕異今昔
子肅兩岐功我滯三冬職
誰知京洛念彷彿昆山側
向夕登城壕潛池隱復直
地迴聞遙蟬天長望歸翼
清文忽景麗思泉紛寶飾
勿言脩路阻勉子康衢力
曾厓寂且寥歸軫逝言陟

奉答內兄希叔五章

陸厥

古詩類卷之五 人部 九
嘉惠承帝子躡屣奉王孫
屬叨金馬署又點去銅龍門
出入平津邸一見孟嘗尊
歸來翳桑柘朝夕異涼溫
祖落固云是寂茂終如一
始一作斯杜門清三徑坐檻臨曲
池鳬鵲嘯儔侶荷芰始參差
雖無田田葉及兩汜漢
春華與秋實庶子及家臣
王門所以貴自古多俊民
難宮收杞梓華屋富徐陳
平旦上林苑日入伊水濱
言記既翮翮賦歌能妙絕
相如惡溫麗子雲趙筆札駿
足思長坂柴車畏危轍
愧茲山陽譙空此河陽別
平原十日飲中散千里遊
渤海方淫滯宜城誰獻酬
屏居南山下臨此歲方秋
惜哉時不與日暮無輕舟

答王世子

謝朓

飛雪天山來飄聚繩橋外
蒼雲暗九重北風吹萬籟
有酒招親勿思與清顏會
熊席惟爾安羔裘豈吾帶
公子不垂堂誰肯憐蕭艾

酬王晉安

前人

稍稍枝早動淦淦露晚晞
南中榮橘柚寧知鴻鴈飛
拂霧朝青閣日旰坐彤闈
悵望一途阻參差百慮依
春草秋更綠公平未西歸
誰能久京洛緇塵染素衣

答蕭琛

梁武帝

古詩類卷之五 人部 十
舊書曰高祖在西邸早與琛相
舊思呼為宗老琛亦奉陳昔恩以早達中陽
房泰同問雖述典運猶倚洪慈上答曰
雖云早契闊乃自非同志
勿談興運初且道狂奴異

答何徵君

任昉

散誕羈轡一作外拘束名教裏得性千乘同山林無一作
亦朝市勿以耕蠶貴空笑易農士宿昔仰高山超然絕
塵軌傾壺已等樂命管亦齊一作命管亦齊符璽無爲歎
獨遊若終一作方同止

答劉居士

前人

君子之道亦有其四高行絕俗盛德出類才同文錦學
非書肆望之可階卽之難至輟精天埋躔象少微人與

俗異道與人達庭飛熠燿室滿伊威行無蹤跡

酬蕭新浦王洗馬二首 吳均

蕭子雲封新浦侯
王均爲太子洗馬

始可結交者文酒滿金壺
園基帝臺局繫馬秦王蒲長
劍皆玉具短笛悉銀塗
送歸日愁滿留客袂紛紛吾今成
桓山上秋風星散鳥

思君出江湄慷慨臨長薄
獨對東風酒誰舉指南酌崇
蘭白帶飛青鴝紫纓絡
一年流淚同萬里相思各胡爲
舍旃去故人在宛洛

古詩類卷五 人部

答蕭新浦 前人

僕本二陵徒英豪多久要角觝
良家兒期門惡年少身
一作紆丈二組手擎尺一詔
問子行何去高帆艤江干
今夜杯酒別明朝江水邊
莓莓看細雨漠漠視濃烟
颯灑八銅箭低昂五會船
欲知故人者江南共採蓮
悵然心不樂跨馬出城壕
觀濤看白露望草見青袍
青袍行中把蔽草覆平野
公子不垂堂紛紛故交者
肘懸辟邪印屋曜鴛鴦
瓦翩翩流水車蕭蕭曳練馬
是時君別我青莎沒馬蹄
連連文蠶置鷺鷥
伺朝雞今日予懷友積恨一作滿東西

酬郭臨丞

前人

聞君立名義我亦倦晨征
馬在城上蹀劍自腰中鳴白
日遼川暗黃塵隴坻驚願君
但銜酒深知有素誠

江上酬鮑幾

前人

振棹出江湄依依望九疑
欲謁蒼梧帝過問沅湘姬
折荷縫作蓋落羽紡成絲
吾行別有意不爲君道之

酬周參軍

前人

日暮憂人起倚戶悵無懽
水傳洞庭遠風送鴈門寒
江南霜雪重相如衣服單
沉雲隱喬集作樹細雨滅層巒
且當對樽酒朱絃永夜彈

古詩類卷五 人部

答句曲陶先生

范雲

終朝吐祥霧薄晚孕奇烟
洞澗生芝草重厓出醴泉
中有懷真士被褐守冲玄
石戶栖干秘金壇謁九仙
乘鸛方履漢鸞鶴上騰天上一作且

敬酬王明府僧孺

何遜

星稀初可見月出未成光
澄江照遠火夕霞隱連檣
賤軀臨不測玉體長垂堂
念別已零淚況乃思故鄉

下直出谿邊望答虞丹徒敬

前人

夫君美章句席丈珍梁楚
伊余忝攝官舍毫亦禁阻直
廬去咫尺心期得宴語
休沐乃幽棲別離未幾許
佇立

日將暮相思忽無緒
豁北映初星橋南望行炬
九重不可越三爵何由舉

石頭答庾郎丹

前人

高樹蔭樓密細草綠成被
黃鸝隱葉飛蛺蝶紫空戲
陰岑自爾悅寂寥予罕寄
相如阻禁闥何由從簡易

酬江總詩

劉之進

梁書曰江總持幼便聰慧神采英拔甚爲卿
卿王筠范陽張繼南陽劉之遠所重之過當
其畧曰

上位居崇禮寺署鄰相息忌
聞曉曉唱每畏晨光絕
高談意未窮晤對賞無極
探志共邀遊休沐忘退食
易用

古詩類卷五

十三

人部

銷鄙客狂趾觀顏色上下數千載揚摧吐胸臆

答張左西

劉孝綽

相思如三月相望非兩宮
持此連枝樹暫作青飛鴻
若人惠思我摘藻蔚雕蟲
仙掌方晞露靈鳥正轉風
方假排虛翮相與北山叢

酬陸長史倕

前人

王粲始一別猶且歎風雲
况余屢之遠與子亟離羣
如何持此念復爲今日分
分悲宛一作張如昨弦望殊揮霍
行舟雖不見行程猶可度
度君路應遠期寄新詩返
相望且相思勞朝復勞晚
薄暮闌人進果得承芳信
慙慙

覽妙書留連披雅韻
洲一作財賦總慈山行旅鎮已

切臨晚情速動思
歸引歸歎不可即前途方未極
覽諷欲謾誦研尋還慨息
來喻最雕金比質非所任
虛薄無時用徘徊守故林
屏居青門外結宇霸城陰
竹庭已南映池牖復東
臨喬柯貫簷上垂條拂
戶陰條開風暫入葉合
影還沉帷屏潯早露階
雷擾昏禽衛門謝東馬
賓席簡衣簪雖愧陽陵一作曲寧無流水琴蕭條聊屬和

寂寞少知音平生竟何託
懷抱共君深一朝四美廢
方見百憂侵曰余濫官守
因之游廬久一作九水接淺原陰
山帶荆門右從容少職事
疲病疎僚友命駕獨尋幽
淹

留宿廬阜廬阜擅高名
岩岩凌太清舒雲類紫府
標霞同赤城北上輪難進
東封馬易驚未若茲山險
車騎息逢迎山橫路似絕
徑側樹如傾蒙籠乍一啟
磔硤無暫平倚巖忽迴望
援蘿遂上征乍覩秦帝石
復憇周王城交峯隱玉霄
對澗距金樞風傳鳳臺瑄
雲度洛賓笙紫書時不至
丹爐且未成無因追羽翮
及爾宴蓬瀛蓬瀛不可託
悵然反城郭時過馬鳴院
偶憇鹿園閣既異人世勞
聊比化城樂影塔圖花樹
經臺總香藥月殿曜朱

檐風輪和寶鐸圓樓一作垣即重嶺階基仍巨甃朝後一作

古詩類卷五

五

人部

響毫棟棟冰聲惟薄餘
景驚登臨方宵盡談詠
談詠

有名僧慧義似傳燈遠師教逾聞生公道復弘小乘非
汲引法善招報能積迷頓已悟爲懽得未曾爲懽誠已
往坐臥猶懷想况復心所積一作茲地多諧賞惜哉無
輕軸更泛輪湖上可思不可見離念空盈蕩賈生傳南
國平子相東阿優游匡贊罷縱橫辭賦多方幸同貫
無令絕詠歌幽谷雖云阻煩君計吏過

答楊世子

孫萬壽

太華五千仞長河九萬里山川每蘊玉人物多君子丞
相朝所宗太尉國之紀若人惟傑出濟世承餘祉趨庭
遵教義博物兼文史奇聲振宛洛雅論窮名理伊余苦
古詩類苑卷五 人部 五
疲病寂寞罕賓遊不言驅駟馬於焉訪一丘編紵始云
贈膠漆乃相投伏枕空長想驟寒遂無由忽此承來翰
華藻以輝煥雖則濫吹噓可以蠲憂歎懷袖終不滅掌
握方留翫和風初應律山鶯已復新芳菲徒自好節物
不關人勞歌雖有曲無以報陽春

答江學士協

周若水

弱齡愛丘壑與子亟忘歸開襟對泉石攜手翫芳菲忽
聞朝市變斯樂耶難追意氣酒中改容顏鏡裏衰祁寒
傷暮節落景促餘暉野曠蓬常轉林遙鳥倦飛故友輕
金玉萬里嗣音微鄉關不可望客淚徒霑衣

答賀屬

王 胃

外黃初邸客蜀郡晚會聲本欲從張耳何曾說馬卿定
知遊道日非是第如行高文擬雜珮善諧間瑤瓊前書
言家室末敘桂簪纓問仁寧伐國揚波豈亂清聞有陽
臺客一作常留入夢情無爲一作嗟獨割空引助庖名

酬陸常侍

前人

相知四十年別離萬餘里君留五湖曲余去三河決寒
松君後凋濁灰余僅死何言西北雲復覲東南美深交
不忘故飛觴敦宴喜贈藻發中情奇音邁流微追惟中
歲日於斯同憇止思之宛如昨倏焉逾二紀疇昔多朋
古詩類苑卷五 人部 六
好一旦埋蒿里無人莫已知有慟傷知已把臂還相泣
歸然吾與子霜襟行自念哀哉亦已矣吾歸在漆園著
書試詞一作理勞息乃殊致存亡寧異軌大路不能遵
咄哉情可鄙

寄

寄江州褚諮議

何 遜

自與君別離四序紛更薄分手清江上念別猶如昨追
憶邊城遊奚尋平生樂俱登龍從嶺共坐逶迤閣清吹
或忘歸繁文時間作連鑣戲淺草遊憶遵長薄五載同
衣裘一朝異睽索夫君頗留滯驂驂未沃芳伊家從入

關終是填溝壑早秋正悽愴餘暉晚銷鑠林葉下仍飛
水花披未落如何隔千里無由舉三爵因君奏采蓮爲
余吟別鶴

寄何記室

王僧孺

思君不得見望望獨長嗟夜風入寒水曉露拂秋花何
由假日御暫得寄風車

寄丘三公

江淹

昔我學冠劍逢君在三川何意風雨驟一談異東西
菊秀空應奪蘭芳幾時堅常恐握手畢黯如光絕天安
得明月珠擊涕寄吳山

古詩類卷之三

人部

七

三五四

以詩代書別後寄贈

陸倕

余本水鄉士閉門江海隅時逢世道泰蹇足步高衢名
名宦雖立效微功日疎入仕乘肥馬出守擁高車關門
遊昔吏遷亭有故書江派資賢牧宗英出建旗不勞王
布鼓無賴露田車弼政非責實求名已課虛長卿病猶
在脩齡疾未祛詎知亭長肉寧挂府丞魚不能未能止
內訟慙諸已僂悅從王事纓舟出淮泗朋故遠追尋
宿清江陰明旦一分手離飛各異林歸舟隨所曲猶聞
歌棹音行者日起遠誰見別離心夕次洲洲明登慈
姥岑水流多迴復余歸良未尋江關

一作

寒事早夜露

傷秋草心屬姑蘇臺目送邯鄲道謾華日蒼蒼親知慎
早涼劉兄清渴病休攝戒無良殷第願眩疾行止避風
霜劉侯有餘冷宜餌步一作釐方伏子多風咳門冬幸
易將率更愛雅體體弱思自強吏曹勉玉潤諷議勗金
相比部多暇日奚用肆龍章建德何爲者無墮無人鄉
記室朋從暇露蟄附行商議曹坐朝罷尺板嗣徽芳雙
栖成獨宿俱飛忽異翔眷言思親友沉思結中腸追惟
疇昔時朝府多歡暇薄暮塵埃靜飛蓋遙相迓李郭或
同舟潘夏時方駕娛談終美景敷文永清夜促膝豈異
人戚戚皆朋一作姬今者一乖離漣然心事差山川望
猶近便似隔天涯玉躬子加護昭質余未虧八行思自
勉一札望來儀

古詩類卷之三

人部

八

三五四

遇長安使寄裴尚書

江總

傳聞合浦葉遠向洛陽飛北風尚嘶馬南冠獨不歸去
雲目徒送離琴手自揮秋蓬失處所春草塵芳非太集
嘆息關山月風塵客子衣

寄王琳

庾信

玉關道路遠金陵信使疎獨下千行淚開君萬里書

寄徐陵

前人

故人倘思我及此平生時莫待山陽路空聞吹笛悲

奉報寄洛州

前人

舟師會孟津甲子陣東隣雷較驚戰鼓劒室動金神幕
府風雲氣軍門關塞人長於析鳥羽合甲抱犀鱗星芒
一丈燄月暈七重輪黎陽水稍淥官渡柳應春無庸奉
天曉驅傳牧南秦繁詞勞簡牘雜俗獎風塵上洛逢都
尉商山見逸民留滯終南下唯當一史臣

古詩類苑卷之六十五

古詩類苑卷之六十五

人部

九

百共

古詩類苑卷之六十六

雲間張之象玄超纂輯

俞顯卿子如補訂

王 徹叔朗

王國材伯達校正

俞顯謨子昭

王 頌玄弢叅閱

陳 甲伯子

人部

頌德

古詩類苑卷之六十六

人部

二

百共

峒嶼碑

徐靈期衡山記云夏禹導水通潁刻石書名
山之高王象之輿地記云禹碑在峒嶼峯又
傳在衡山縣雲密峯宋定嘉中蜀士因樵人
引至其所以紀顯其碑七十二字刻於峽門
觀中後
俱在

承帝曰嗟猗輔佐卿州渚一韓水處與登鳥罽之門參身宏

流一韓魚池而明發爾興久旅忘家宿嶽麓庭智營形析心

罔弗辰往求平定華岳太衡宗疏事哀勞餘伸裡鬱塞

昏徙南濱衍亨一韓南暴昌言衣制食備萬國其寧窳舞永奔

泰山刻石銘文心雕龍曰始皇勅岳政暴而文澤有疎通之美焉

史記曰始皇二十八年東行郡縣上鄒嶧山

與魯諸儒生議刻石頌秦德乃遂上泰山立

石封祠祀刻所立石其辭曰

皇帝臨位作制明法臣下脩飭二十有六年初并天下

國不賓服親巡遠方黎民宋大觀中汝陽劉政至泰山

登茲泰山周覽東極從臣思述本原事業祇誦功德治

道運行諸產得宜皆有法式大義休明垂于後世順承

勿革皇帝躬聖既平天下不懈於治夙興夜寐建設長

利專隆教誨訓經宜達遠近畢理咸承聖志貴賤分明

男女禮順慎遵職事昭隔內外一作廣曰靡不清淨施

于後嗣化及無窮遵奉遺詔永承重戒

古詩類卷六 人部 三

嶧山刻石銘

皇帝立國維初在昔嗣世稱王討伐亂逆威動四極武

義直方戎臣奉詔經時不久滅六暴強三晉楚燕

有六年以上薦高號孝道顯明叶既獻恭成謂告成乃降

專惠親巡遠方登于嶧山羣臣從者咸思攸長追念亂

世分土建邦以開事理攻戰日作流血於野自泰古始

世無萬數池及五帝莫能禁止乃今皇帝一家天下兵

不復起災害滅除黔首康定利澤長久叶群臣誦畧

刻此樂石石之堅精堪為樂器以著經紀

琅瑯臺刻石銘

史記曰始皇二十八年既封泰山於是乃並

渤海以東過黃腫二縣窮成山登之杲在膠

立石頌秦德焉其文不載而去南登瑯瑯大樂

之留三月乃徙黔首三萬戶琅瑯臺下復十

二歲作琅瑯臺立石刻頌秦德明德意曰

維二十六年皇帝作始端平法度萬物之紀以明人事

合同父子聖智仁義顯白道理東撫東土以省卒士事

已大畢乃臨于海皇帝之功勤勞本事上農除末黔首

是富普天之下搏心揖志索隱曰搏古專字左傳云

械一量同書文字日月所照舟輿所載皆終其命莫不

古詩類卷六 人部 三

得意應時動事是維皇帝臣飭異俗陵水經地憂恤黔

首朝夕不懈除疑定法咸知所辟方伯分職諸治經易

舉措必當莫不如畫皇帝之明臨察四方尊卑貴賤不

踰次行姦邪不容皆務貞良細大盡力莫致怠荒遠邇

辟隱專務肅莊端直敦忠事業有常皇帝之德存定四

極誅亂除害興利致福節事以時諸產繁殖黔首安寧

不用兵革六親相保終無寇賊驩欣奉教盡知法式六

合之內皇帝之土西涉流沙南盡北戶東有東海北過

大夏叶音人跡所至無不臣者叶音功蓋五帝澤及牛

馬叶音莫不受德各安其宇維秦王兼有天下立名為皇